

**“БЕШАРИҚ ПАХТА ТОЗАЛАШ” АКЦИЯДОРЛИК ЖАМИЯТИ
АКЦИЯДОРЛАРИНИНГ НАВБАТДАН ТАШҚАРИ УМУМИЙ ЙИҒИЛИШИ
2-СОН БАЁННОМАСИ**

**Фарғона вилояти, Бешариқ тумани,
Бешариқ шахри.**

2024 йил 12 сентябр

Умумий йиғилишнинг ўтиш жойи: Фарғона вилояти, Бешариқ тумани, Бешариқ шахри, “Бешариқ пахта тозалаш” АЖ маъмурий биноси.

Акциядорларни рўйхатдан ўтказиш бошланган вақт: **10:00**

Акциядорларни рўйхатдан ўтказиш тугаган вақт: **10:55**

Акциядорлар умумий йиғилиш бошланган вақт: **11:00**

Жамиятнинг овоз берувчи акцияларига эгаллик қилувчи акциядорлар овозларнинг умумий сони - **4 323 140** дона.

“Бешариқ пахта тозалаш” АЖ акциядорларининг навбатдан ташқари умумий йиғилиши (келгусида матн давомида - Йиғилиш) жамият кузатув кенгашининг 2024 йил 20 августда қабул қилинган қарорига мувофиқ ўтказилмоқда.

Йиғилишда иштирок этиш ҳуқуқига эга акциядорлар реестри тузилган сана - 2024 йил 6 сентябр.

Жамият кузатув кенгаши аъзоси А.Маннонов йиғилиш раёсатини сайлаш бўйича таклиф берди.

Акциядорлар томонидан очик овоз бериш йўли билан бир овоздан йиғилиш раёсатига қуйидагилар сайланди:

1. Б.Халилов - “Фарғонапахтасаноат” АЖ тугатиш комиссияси аъзоси;

2. А.Маннонов - Кузатув кенгаши аъзоси;

3. У.Абдуллаев - Акциядор

Йиғилиш раёсати аъзоси А.Маннонов малака ва тажрибага эга бўлган “Фарғонапахтасаноат” АЖ тугатиш комиссия Б.Халиловни йиғилишда раислик қилувчи этиб ва жамиятнинг акциядорлар билан корпоратив муносабатлар хизмати бошлиғи Д.Бердиев йиғилиш котиби этиб сайлаш таклифини киритди.

Акциядорлар томонидан очик овоз бериш йўли билан бир овоздан йиғилишда раислик қилувчи этиб Б.Халилов ва йиғилиш котиби этиб Д.Бердиев сайланди.

Йиғилишни, йиғилишда раислик қилувчи Б.Халилов очди ва акциядорлар ҳамда йиғилиш қатнашчиларини қутлаб, йиғилиш кворуми бўйича ахборот бериш учун сўзни санок комиссияси аъзоси Д.Бердиевга берди.

Санок комиссияси ахбороти:

“Қимматли қоғозлар Марказий Депозитарийси” УК томонидан 2024 йил 6 сентябр ҳолатига шакллантирилган “Бешариқ пахта тозалаш” акциядорлик жамияти акциядорлар реестрига мувофиқ, йиғилишда овоз бериш учун **2167** та акциядорга тегишли **4 323 140** дона акциялар қатнашиши мумкин. Акциядорларни рўйхатдан ўтказиш вақти тугаганда, умумий миқдорда **3 086 560** дона овоз берувчи акцияларга эга бўлган 5 та акциядор (унинг вакилари) рўйхатдан ўтди. Бу эса умумий овоз берувчи акцияларнинг **71,4 %** ни ташкил этади ва йиғилиш ваколатли (кворумга эга) ҳисобланади.

Йиғилишга таклиф этилганлар:

Қурбонов Пўлатжон Юнусалиевич - жамият бош директори;

Эсонов Саъдулла - бош ҳисобчи;

Йиғилишда раислик қилувчи Б.Халилов йиғилиш кун тартибини эълон қилди.

1. Умумий йиғилиш санок комиссияси таркибини тасдиқлаш.

2. Умумий йиғилиш регламенти тасдиқлаш.

3. Ўзбекистон Республикаси Президентининг 2024 йил 22 июлдаги “Пахтачилик соҳаси корхоналарининг иқтисодий-молиявий ҳолатини яхшилашга оид чоратadbирлари тўғрисида”ги ПФ-103-сон Фармони ижроси тўғрисида.

4. Жамият Кузатув кенгашига янги кузатув кенгаши аъзоларини сайлаш.

Кун тартиби эълон қилинганидан сўнг, муҳокамага ўтилди.

КУН ТАРТИБИ:

Кун тартибидаги биринчи масала бўйича йиғилишда раислик қилувчи Б.Халилов сўзга чиқиб, Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуни 66-моддасига асосан овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кузатув кенгаши томонидан санок комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланишини айтди.

Шунга асосан, жамият кузатув кенгашинининг 2024 йил 20 августдаги йиғилиш қарорига кўра санок комиссияси таркибига жамиятнинг акциядорлар билан корпоратив муносабатлар хизмати бошлиғи - Д.Бердиев, жамият ҳуқуқшуноси - У.Юсуповлар ҳамда жамият ходими Д.Бораталиева номзодларини киритиш таклифи берилган бўлиб, жамият акциядорларидан санок комиссияси сони ҳамда таркибини тасдиқлаш масаласи бўйича ўз муносабатларини бюллетен орқали овоз беришларини сўради.

Ушбу масала юзасидан овоз бериш натижалари:

**“Ёқлаганлар” – 3 086 560 та овоз; “Қаршилар”- йўқ; “Бетарафлар”- йўқ;
Бекор қилинган овоз- йўқ.**

Кун тартибидаги биринчи масала бўйича акциядорларнинг умумий йиғилиши қарор қилади:

1. Жамият акциядорлари йиллик умумий йиғилишининг регламенти тасдиқлансин.

2. Уч кишидан иборат қуйидаги таркибда санок комиссияси тасдиқлансин:

1) Д.Бердиев;

2) У.Юсупов;

3) Д.Бораталиева.

Кун тартибидаги иккинчи масала бўйича йиғилишда раислик қилувчи Б.Халилов сўзга чиқиб, йиғилиш регламентини йиғилиш қатнашчиларига ўқиб эшиттирди. Мазкур йиғилиш кун тартибида 4 та масала кўрсатилганлигини маъруза учун 30 (ўттиз) дақиқа, муҳокама ва мунозаралар учун 15 (ўн беш) дақиқа ҳамда санок комиссияси иши учун 15 (ўн беш) дақиқа, жами 60 дақиқа вақт ажратилиши мақсадга мувофиқ эканлигини айтиб, жамият акциядорларидан акциядорларнинг йиллик умумий йиғилиши регламентини ушбу таклиф бўйича тасдиқлаш масаласига ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” - 3 086 560 та овоз билан 100%; “Қаршилар”- йўқ;

“Бетарафлар”- йўқ; Бекор қилинган овоз- йўқ.

Кун тартибидаги иккинчи масала бўйича акциядорларнинг умумий йиғилиши қарор қилади:

1. Жамият акциядорлари йиллик умумий йиғилишининг регламенти тасдиқлансин.

Кун тартибдаги учинчи масала бўйича Йиғилишда раислик қилувчи Б.Халилов ўз сўзида кун тартибдаги масала бўйича қуйидагиларни маълум қилди.

Ўзбекистон Республикаси Президентининг 2024 йил 22 июлдаги “Пахтачилик соҳаси корхоналарининг иктисодий-молиявий ҳолатини яхшилашга оид чора-тадбирлари тўғрисида”ги ПФ-103-сон Фармонининг 4-бандида қуйидагилар белгиланган:

а) бўлиб-бўлиб тўлаш шарти билан сотиб олинган ва сотиб олиш қийматининг 35 фоизи ва ундан юқори қисми тўланган пахта тозалаш заводлари ва пахта қабул қилиш масканларини (кейинги ўринларда - мулкый мажмуа) жалб этиладиган кредит бўйича мулкый мажмуа сифатида гаровга қўйишга рухсат бериш. Бунда:

мулкый мажмуаларни сотиб олиш бўйича тўловларнинг қолган қисмини амалга ошириш таъминоти сифатида суғурта компаниясининг тўловни амалга оширмаслик суғурта полиси ва (ёки) учинчи шахс кафиллиги ёхуд бошқа банк кафолати тақдим этилади;

кредит қарздорлиги ҳисобига мулкый мажмуалар гаров мулки сифатида тижорат банклари тасарруфига ўтказилганда, мулкый мажмуани савдоларга чиқариш уларнинг фаолият турларини сақлаб қолиш шарти билан амалга оширилади;

б) тугатилаётган “Ўзпахтасаноат” АЖнинг мулкый мажмуаларини сотиб олиш бўйича кластерлар билан тузилган олди-сотди шартномаларида белгиланган тўлов графиги бўйича қарздорликлар муддатини бир йилга узайтириш.

Вазирлар Маҳкамасининг 2021 йил 10 декабрдаги 747-сон қарорига ва Ўзбекистон Республикаси Президентининг 2019 йил 16 сентябрдаги ПҚ-4453-сон қарорига асосан “Бешариқ пахта тозалаш” АЖ (пахта тозалаш заводи) ва унга қарашли “Яккатут” ва “Рапқон” пахта қабул қилиш масканлари мол-мулклари “LYUKS YAN TEX” МЧЖга 1 йил муддатга бўлиб тўлаш шарти билан 2023 йил 24 февралда тузилган 1 ва 2-сонли шартномаларга асосан баҳоланган қийматда **18 461,2 млн. сўмга** сотилган.

“LYUKS YAN TEX” МЧЖ томонидан шартномага мувофиқ **18 461,2 млн. сўм** тўлиқ тўланган.

Вазирлар Маҳкамасининг 2021 йил 10 декабрдаги 747-сон қарорига асосан, “Бешариқ пахта тозалаш” АЖга қарашли “Найманча”, “Оқжар”, “Мулкобод” ва “Пахтакор” пахта қабул қилиш масканлари мол-мулклари “MUSAVARTEX” МЧЖга 5 йил муддатга бўлиб тўлаш шарти билан 2022 йил 21 июлда тузилган 8-сонли ва 2022 йил 13 сентябрда тузилган 10-сонли шартномага асосан баҳоланган қийматда **17 183,2 млн. сўмга** (ҚҚС билан) сотилган.

“MUSAVARTEX” МЧЖ томонидан шартномага мувофиқ 01.09.2024 йил ҳолатига **3 786,9 млн. сўм** ёки **22,03 фоизи** тўланган, қарздорлик **13 396,3 млн. сўмни**, жумладан муддати ўтган қарздорлик **3 679,5 млн. сўмни** ташкил этмоқда.

Акциядорлар ўртасида ушбу масала кенг муҳокама қилинди.

Йиғилишда раислик қилувчи Б.Халилов ўз сўзида, “MUSAVARTEX” МЧЖ кластер корхонаси томонидан бўлиб-бўлиб тўлаш шарти билан сотиб олинган ва сотиб олиш қийматининг 35 фоизи ва ундан юқори қисми тўлангандан сўнг мурожаат қилинганда Фармонда белгиланган шартлар асосида кластер сотиб олган “Бешариқ пахта тозалаш” АЖга қарашли пахта қабул қилиш масканларини жалб этиладиган кредит бўйича мулкый мажмуа сифатида гаровга қўйишга рухсат беришни ҳамда мулкый мажмуаларини сотиб олиш бўйича кластер билан тузилган олди-сотди шартномаларида белгиланган тўлов графиги бўйича қарздорликлар муддатини бир йилга узайтиришни таклиф қилди.

Йиғилиш раиси акциядорлардан мазкур таклиф юзасидан муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 2 240 168 та овоз; “Қаршилар”- 815 656 та овоз; “Бетарафлар”- йўқ; Бекор қилинган овоз- йўқ.

Кун тартибидаги учинчи масала бўйича акциядорларнинг умумий йиғилиши қарор қилади:

1. Ўзбекистон Республикасининг Ўзбекистон Республикаси Президентининг 2024 йил 22 июлдаги “Пахтачилик соҳаси корхоналарининг иқтисодий-молиявий ҳолатини яхшилашга оид чора-тадбирлари тўғрисида”ги ПФ-103-сон Фармонининг 4-банди ижро учун қабул қилинсин.

2. “Бешариқ пахта тозалаш” АЖ бош директори (П.Курбонов):

а) “MUSAVARTEX” МЧЖ кластери билан тузилган олди-сотди шартномаларида белгиланган тўлов графиги бўйича қарздорликлар муддатини бир йилга узайтириш бўйича қўшимча келишувлар тузсин;

б) “MUSAVARTEX” МЧЖ томонидан бўлиб-бўлиб тўлаш шарти билан сотиб олинган ва сотиб олиш қийматининг 35 фоизи ва ундан юқори қисмини тўлагандан сўнг мурожаат қилинганда “Бешариқ пахта тозалаш” АЖга қарашли пахта қабул қилиш масканларини жалб этиладиган кредит бўйича мулкый мажмуа сифатида гаровга қўйишга рухсат берсин. Бунда:

мулкый мажмуаларни сотиб олиш бўйича тўловларнинг қолган қисмини амалга ошириш таъминоти сифатида суғурта компаниясининг тўловни амалга оширмаслик суғурта полиси ва (ёки) учинчи шахс кафиллиги ёхуд бошқа банк кафолати тақдим этилади;

кредит қарздорлиги ҳисобига мулкый мажмуалар гаров мулки сифатида тижорат банклари тасарруфига ўтказилганда, мулкый мажмуани савдоларга чиқариш уларнинг фаолият турларини сақлаб қолиш шарти билан амалга оширилади.

Кун тартибидаги тўртинчи масала бўйича йиғилишда раислик қилувчи Б.Халилов ўз сўзида кун тартибидаги масала бўйича қуйидагиларни маълум қилди. Ўзбекистон Республикаси “Акциядорлик жамиялари ва акциядорларнинг ҳуқуқларини ҳимоя қилиш тўғрисида”ги Қонуннинг 78-моддасига кўра жамият Кузатув кенгашининг янги таркибини сайлаш жамият акциядорларининг умумий йиғилишида амалга оширилиши белгиланган.

Жамият Кузатув кенгашининг бўшаб қолган аъзолигига қуйидаги таркибдаги янги аъзолар номзодлари ўқиб эшитирилди.

1. Салиев Алишер Анварджанович Давактив агентлиги Фарғона вилояти ҳудудий бошқармаси бошлиғи.

2. Мўминов Лазиз Ўрмонжонович - “Фарғонапахтасаноат” ХАБ тугатиш комиссияси аъзоси.

Йиғилиш раиси акциядорлардан мазкур таклиф юзасидан муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 3 086 560 та овоз; “Қаршилар”- йўқ; “Бетарафлар”- йўқ; Бекор қилинган овоз- йўқ.

Амалдаги қонунчиликка асосан ва жамият Уставига асосан жамият кузатув кенгаши таркибига қуйидаги номзодлар таклиф этилди.

1. Салиев Алишер Анварджанович Давактив агентлиги Фаргона вилояти худудий бошкармаси бошлиғи.

2. Мўминов Лазиз Ўрмонжонович - "Фаргонапахтасаноат" ХАБ тугатиш комиссияси аъзоси.

Юқоридагилардан келиб чиқиб жамият Кузатув кенгаши таркибига сайлаш учун таклиф этилаётган номзодлар буйича кумулятив овоз бериш тартиби акциядорларга тушинтирилиб, бюллетенлари буйича овоз беришлари акциядорлардан суралди.

Ушбу масала юзасидан кумулятив овоз бериш натижалари:

Салиев Алишер Анварджанович	13 889 520
Мўминов Лазиз Ўрмонжонович	13 889 520

Кун тартибидаги туртинчи масала буйича акциядорларнинг умумий йиғилиши қарор қилади.

Жамият Кузатув кенгаши аъзолигига куйидагилар сайлансин.

1. Салиев Алишер Анварджанович Давактив агентлиги Фаргона вилояти худудий бошкармаси бошлиғи.

2. Мўминов Лазиз Ўрмонжонович - "Фаргонапахтасаноат" ХАБ тугатиш комиссияси аъзоси.

Акциядорларнинг йиллик умумий йиғилиши томонидан қабул қилинган қарорлар эълон қилинганидан сўнг, йиғилишда раислик қилувчи Б.Халилов акциядорларга уларнинг иштироқи учун миннатдорчилик билдириб, йиғилишни ёпик деб эълон қилди.

Йиғилиш раиси: /  /

Б.Халилов

Йиғилиш котиби: /  /

Д.Бердиев

Йиғилиш баённомаси 2024 йил _____ сентябр куни икки нусхада тузилди.